



Broj: 02-05-19489-8/16
Sarajevo, 13.06.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **44.** sjednici održanoj **13.06.2016.** godine, donijela je sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec april 2016. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO

I N F O R M A C I J A

**O STANJU KRIMINALITETA, JAVNOG REDA I MIRA I SIGURNOSTI SAOBRAĆAJA
NA PODRUČJU KANTONA SARAJEVO**

ZA MJESEC APRIL 2016. GODINE

Sarajevo, maj 2016. godine

1.KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu Aprilu 2016. godine, na području Kantona Sarajevo registrovana su 384 krivična djela¹ što je za 92 djela ili 19,3% manje u odnosu na isti mjesec prethodne godine.

Od ukupnog broja registrovanih krivičnih djela, 148 ili 38,5% izvršeno je od strane poznatih, a 236 ili 61,5% od strane nepoznatih izvršilaca.

¹Tokom izvještajnog mjeseca Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 322 obavijesti (15 manje) o događajima u kojima je pričinjena neznatna materijalna šteta.

Za 94 djela ili 39,8% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 52 krivična djela iz izvještajnog, a 42 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u izvještajnom mjesecu za ukupno 242 krivična djela ili 63%, identifikovali osumnjičene izvršioce, što je za 3,6% manje u odnosu na isti mjesec prethodne godine.

OSNOVNI STATISTIČKI POKAZATELJI KRIMINALITETA U MJESECU APRILU 2016. GODINE

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
APRIL 2016.	384	148	236	94	42	199	6	116	70
APRIL 2015.	476	170	306	147	71	262	8	168	131
<i>uporedba</i>	-92	-22	-70	-53	-29	-63	-2	-52	-61
	-19,3%	-12,9%	-22,9%	-36,1%	-40,8%	-24%	-25%	-31%	-46,6%

Zbog postojanja osnova sumnje da su počinili krivična djela prijavljeno je 199 lica (63 ili 24% manje), od čega je 116 povratnika (52 ili 31% manje) u izvršenju krivičnih djela (ili 58,3% od broja prijavljenih lica), šest maloljetnika (dva ili 25% manje), a 70 lica je lišeno slobode (61 ili 46,6% manje).


Pregled kriminaliteta na području Kantona Sarajevo u mjesecu Aprilu 2016/15. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	APRIL	APRIL	uporedba	rasvj. APRIL 2016.
-----------------------	--------------	-------	----------	--------------------

	2016.	2015.	+/-	%	broj kd	%
ŽIVOTA I TIJELA	14	16	-2	-12,5%	14	100%
SLOBODE I PRAVA ČOVJEKA I GRAĐANINA	10	18	-8	-44,4%	9	90%
SPOLNE SLOBODE I MORALA	2	5	-3	-60%	1	50%
BRAKA, PORODICE I MLADEŽI	21	25	-4	-16%	21	100%
ZDRAVLJA LJUDI	31	27	4	14,8%	31	100%
PROTIV PRIVREDE, POSLOVANJA I SIGURNOSTI PLATNOG PROMETA	1	1	0	ISTO	1	100%
IMOVINE	263	332	-69	-20,8%	126	47,9%
OKOLIŠA	2	1	1	100%	1	50%
OPĆE SIGURNOSTI LJUDI I IMOVINE	9	10	-1	-10%	7	77,8%
SIGURNOSTI JAVNOG PROMETA	5	6	-1	-16,7%	5	100%
PRAVOSUĐA	3	2	1	50%	3	100%
JAVNOG REDA I PRAVNOG PROMETA	15	20	-5	-25%	15	100%
PODMIĆIVANJA I KD PROTIV SLUŽBENE I ...	1	1	0	ISTO	1	100%
ZONDINOIM-a (Sl.novine Kantona Sarajevo br. 38/07)	7	12	-5	-41,7%	7	100%
	384	476	-92	-19,3%	242	63%

U odnosu na isti mjesec prethodne, zabilježeno je značajno smanjenje broja registrovanih krivičnih djela za 92 ili 19,3%. Najznačajnije smanjenje zabilježeno je u oblasti protiv imovine (za 69 djela), zatim slobode i prava čovjeka i građanina (za osam), javnog reda i pravnog prometa (za pet), braka, porodice i mladeži (za četiri), itd. dok je povećanje evidentirano u oblastima protiv zdravlja ljudi (za četiri), te okoliša i pravosuđa (za po jedno djelo).

Grafički prikaz broja registrovanih i rasvijetljenih krivičnih djela po policijskim upravama MUP-a KS



PREGLED REGISTROVANIH KRIVIČNIH DJELA NA PODRUČJU KANTONA SARAJEVO U MJESECU

APRILU 2016. GODINE

ČLAN	KZ	Naziv člana	UKUPNO	KD ²	NN	NI
				384	236	94
166	FBiH	UBISTVO		1	0	0
166/28	FBiH	UBISTVO U POKUŠAJU		3	0	0
172	FBiH	TEŠKA TJELESNA OZLJEDA		3	0	0
173	FBiH	LAHKA TJELESNA OZLJEDA		5	0	0
174	FBiH	UČESTVOVANJE U TUČI		2	0	0
183	FBiH	UGROŽAVANJE SIGURNOSTI		10	2	1
203	FBiH	SILOVANJE		1	1	0
211	FBiH	ISKORIŠTAVANJE DJETETA ILI MALOLJETNIKA RADI PORNOGRAFIJE		1	0	0
222	FBiH	NASILJE U PORODICI		19	0	0
223	FBiH	IZBJEGAVANJE IZDRŽAVANJA		2	0	0
229	FBiH	NESAVJESNO LIJEČENJE		1	0	0

² KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioci

238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	1	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	29	0	0
247	FBiH	ZLOUPOTREBA OVLASTI U PRIVREDNOM POSLOVANJU	1	0	0
286	FBiH	KRAĐA	41	35	28
287	FBiH	TEŠKA KRAĐA st 1.tačka a)	138	134	41
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	12	11	5
287/28	FBiH	TEŠKA KRAĐA U POKUŠAJU	4	3	3
289	FBiH	RAZBOJNIŠTVO	43	40	10
289/28	FBiH	RAZBOJNIŠTVO U POKUŠAJU	3	3	1
290	FBiH	UTAJA	6	3	3
293	FBiH	OŠTEĆENJE TUĐE STVARI	9	1	1
294	FBiH	PRIJEVARA	4	0	0
295	FBiH	IZNUDA	2	0	1
300	FBiH	PRIKRIVANJE	1	0	0
316	FBiH	ŠUMSKA KRAĐA	1	0	0
317	FBiH	IZAZIVANJE ŠUMSKOG POŽARA	1	1	0
323	FBiH	IZAZIVANJE OPĆE OPASNOSTI	5	2	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA	4	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	5	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA	1	0	0
347	FBiH	LAŽNO PRIJAVLJIVANJE	1	0	0
348	FBiH	DAVANJE LAŽNOG ISKAZA	1	0	0
358	FBiH	SPRIJEČAVANJE SLUŽBENE OSOBE U VRŠENJU SLUŽBENE RADNJE	2	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	3	0	0
362	FBiH	NASILNIČKO PONAŠANJE	5	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJA	2	0	0
373	FBiH	KRIVOTVORENJE ISPRAVE	3	0	0
383	FBiH	ZLOUPOTREBA POLOŽAJA ILI OVLAŠĆENJA	1	0	0

Zakon o nabavljanju, držanju i nošenju oružja i municije (Sl. novine KS br. 38/07)	7	0	0
--	---	---	---

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

Tokom mjeseca Aprila 2016. godine u ovoj oblasti evidentirano je 14 krivičnih djela (dva manje u odnosu na isti mjesec prethodne godine) i to: ubistvo – jedno djelo (jedno manje), ubistvo u pokušaju – tri (jedno više), teška tjelesna ozljeda – tri (dva manje), lahka tjelesna ozljeda – pet (jedno manje) i učestvovanje u tuči - dva djela (jedno više).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 22 lica, od kojih je osam povratnika ili 36,4%, a sedam je lišeno slobode.

UBISTVO (ČLAN 166. KZ FBiH-a)

Dana, 22.04.2016. godine, oko 02,00 sati u ulici Nusreta Prohića, općina Novi Grad, S. Tomislav (1990) je nakon međusobnog fizičkog obračuna, hicima iz vatrenog oružja – pištolja, nanio teške tjelesne ozljede u predjelu glave Gec Amilu (1984) koji je usljed zadobijenih povreda preminuo narednog dana u UKC Sarajevo.

UBISTVO U POKUŠAJU (ČLAN 166. KZ FBiH-a U VEZI ČLANA 28. KZ FBiH-a)

Dana, 27.03.2016. godine, oko 21,40 sati, u ulici Pehlivanuša, općina Stari Grad, mldb H. N. (1999) je nakon kraće verbalne prepirke i tuče između više lica, upotrebom noža nanio teške tjelesne ozljede opasne po život Mušović Harisu (1997).

Dana, 28.03.2016. godine, oko 22,20 sati ispred porodične kuće u ulici Rate Dugonjića, općina Ilidža, R. Srđan (1983) je udarcima tvrdim predmetom nanio teške tjelesne ozljede opasne po život Halilović Mireli (1990).

Dana, 06.04.2016. godine, oko 23,40 sati u ulici Jukićeva, općina Centar J. Timur (1979) je nakon kraće verbalne prepirke, sjeo u putničko motorno vozilo, pokrenuo ga i prednjim djelom namjerno udario Koštrebić Mersada (1954) usljed čega je isti zadobio teške tjelesne ozljede opasne

po život.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 10 krivičnih djela (osam manje) ugrožavanje sigurnosti za čije izvršenje je prijavljeno je devet lica od kojih je su četiri povratnika ili 44,4%, a jedno je lišeno slobode.

Krivična djela ugrožavanja sigurnosti evidentirana su na području sljedećih općina: Novo Sarajevo - tri, Vogošća i Hadžići - po dva, itd., a počinjena su upućivanjem verbalnih prijetnji, pisanjem poruka prijetjećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su dva djela (tri manje) i to: silovanje i iskorištavanje djeteta ili maloljetnika radi pornografije - po jedno djelo. Zbog postojanja osnova sumnje da su počinili ova djela prijavljeno je jedno lice.

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 21-no djelo (četiri manje) i to: nasilje u porodici - 19 i izbjegavanje izdržavanja - dva djela, a zbog postojanja osnova sumnje da su počinili ova djela prijavljeno je 21-no lice, od kojih je 15 povratnika ili 71,4%, a devet je lišeno slobode.

Ova krivična djela evidentirana su na području općina: Novi Grad - sedam, Centar - pet, Novo Sarajevo – tri, itd.

1.2.5. KRIVIČNA DJELA PROTIV ZDRAVLJA LJUDI

-

Prijavljeno je 31-no krivično djelo iz oblasti protiv zdravlja ljudi (četiri više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedno,
- posjedovanje i omogućavanje uživanja opojnih droga (čl. 239. KZ FBiH) – 29 i
- nesavjesno liječenje - jedno djelo.

Zbog postojanja osnova sumnje da su počinili navedena djela podneseni su službeni izvještaji protiv 31-nog lica od kojih je 14 povratnika ili 45,2% , a 11 je lišeno slobode.

*Policijski službenici Uprave policije MUP-a KS su Kantonalnom tužilaštvu Sarajevo podnijeli službeni izvještaj protiv Ž. Mladena (1964) zbog postojanja osnova sumnje da je u proteklom periodu u svom stanu u ulici Antuna Hangija, općina Centar uzgajao stabljike indijske konoplje "cannabis sativa" čime bi počinio krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, te protiv 29 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Heroin", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.*

PREGLED ODUZETE KOLIČINE OPOJNIH DROGA U MJESECU APRILU 2016/15. GODINE

VRSTA OPOJNE DROGE	APRIL 2016. GOD.	APRIL 2015. GOD.
Marihuana (paketići)	31	55
Marihuana (u gramima)	2	14.682,82
Ecstasy (tablete)	63	---
Amfetamin (paketići)	2	6
Amfetamin (u gramima)	---	16
pribor sa tragovima droge (komada)	1	6

1.2.6. KRIVIČNA DJELA PROTIV IMOVINE

U izvještajnom mjesecu, registrovana su 263 krivična djela protiv imovine, što je za 69 djela ili 20,8% manje u odnosu na isti mjesec prošle godine. Među djelima iz ove oblasti najbrojnije su: teške krađe – 150 djela (66 manje), zatim razbojništvo – 43 (osam više), krađe – 41 (12 manje), oštećenje tuđe stvari – devet (tri manje), utaja – šest (tri više), teška krađa u pokušaju – četiri (jedno više), itd.

Za ukupno 126 ovih djela ili 47,9% identifikovan je osumnjičeni izvršilac što je za 6,3% manja rasvijetljenost imovinskih delikata u odnosu na uporedni mjesec.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 64 slučaja (osam manje), zatim slijede stambeni objekti - 62 (devet manje), poslovni objekti - 21 (42 manje), itd.

Na području Kantona Sarajevo u mjesecu Aprilu ove godine izvršena su 44 krivična djela teških krađa motornih vozila od čega je osam ili 18,2% pronađeno i vraćeno vlasnicima (od strane policije MUP-a KS vraćena su dva vozila, MUP RS-a – jedno, drugih MUP-ova - dva i vlasnici su pronašli – tri vozila).

Broj teških krađa motornih vozila, smanjen je za 10 ili 18,5%.

PREGLED BROJA OTUĐENIH I VRAĆENIH MOTORNIM VOZILIMA NA PODRUČJU KANTONA SARAJEVO PO POLICIJSKIM UPRAVAMA U MJESECU APRILU 2016. GODINE

POLICIJSKA UPRAVA	I PU	II PU	III PU	IV PU	V PU	UKUPNO
BROJ OTUĐENIH MV	10	8	16	8	2	44
BROJ VRAĆENIH MV	5	1	2	0	0	8
% VRAĆENIH MV	50%	12,5%	12,5%	0%	0%	18,2%

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv sedam lica (četiri više).

PREGLED BROJA OTUĐENIH MOTORNIM VOZILIMA NA PODRUČJU KANTONA SARAJEVO PO POLICIJSKIM UPRAVAMA U MJESECU APRILU 2016/15. GODINE

POLICIJSKA UPRAVA		I PU	II PU	III PU	IV PU	V PU	UKUPNO
BROJ OTUĐENIH MOTORNIH VOZILA –		10	8	16	8	2	44
APRIL 2016. GODINE							
BROJ OTUĐENIH MOTORNIH VOZILA –		14	11	13	14	2	54
APRIL 2015. GODINE							
UPOREDBA APRIL 2016/15. GODINE	+, -	-4	-3	3	-6	0	-10
	%	-28,6%	-27,3%	23,1%	-42,9%	ISTO	-18,5%

Prijavljeno je 41-no krivično djelo krađe (12 manje), koje su izvršene 21 put u poslovnim prostorijama, deset u stambenim objektima, pet puta na ulici, dva puta u vozilima GRAS-a, itd. odakle su otuđivani novčanici, mobiteli, prehrambeni proizvodi, auto dijelovi, nakit, vodomjeri, itd.


Registrovana su 43 krivična djela razbojništva (osam više), od čega je za 13 ili 51,4% djela identifikovan osumnjičeni izvršilac što je za 21,2% manje u odnosu na isti mjesec prethodne godine.

Razbojništva su evidentirana na području općina: Novo Sarajevo – 16 (četiri više), Centar – 11 (pet više), Stari Grad - šest (pet više), Ilidža – pet (tri manje), Novi Grad – tri (tri manje), itd.

Ova djela izvršena su prijetnjom upotrebe noža ili drugog oštrog predmeta – 25 puta, prijetnjom upotrebe vatrenog oružja - tri i upotrebom fizičke snage – 13 puta, a počinjena su u poslovnim prostorijama – 11 puta, u sportskim kladionicama – šest, na ulici - 15, itd. Otudivan je novac, mobiteli, foto-aparati, prijenosna računala, itd.


Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica, povratnika u činjenju krivičnih djela, a četiri su lišena slobode.

Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS



Evidentirano je 12 krivičnih djela teških krađa na naročito opasan ili naročito drzak način (dva više), u kojima su izvršioци, upotrebom fizičke snage – deset puta, te verbalnom prijetnjom u dva slučaja, otimali mobitele, nakit i novac. Ova djela izvršena su na otvorenom prostoru - deset puta i u vozilima GRAS-a - dva puta.

Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



Za ukupno šest ovih djela identifikovani su osumnjičeni izvršioци ili 50% što je za 30% manje, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica, povratnika u činjenju krivičnih djela, a dva su lišena slobode.

1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je devet djela (jedno manje) i to: izazivanje opće opasnosti - pet i nesavjesno čuvanje pasa i drugih opasnih životinja - četiri djela, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv osam lica od kojih je pet povratnika u činjenju krivičnih djela ili 62,5%, a dva su lišena slobode.


Krivična djela izazivanja opće opasnosti izvršena su tri puta na otvorenom prostor te po jednom u poslovnom i stambenom objektu. U jednom slučaju pucano je iz vatrenog oružja i četiri puta je otvorenim plamenom izazvan požar. Posljedica izvršenja navedenih djela je ranjavanje jednog lica, nastala materijalna šteta i uznemirenost građana.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 15 krivičnih djela (pet manje) i to: nasilničko ponašanje – pet, napad na službenu osobu u vršenju poslova sigurnosti i krivotvorenje isprave - po tri, nedozvoljeno držanje oružja ili eksplozivnih materija i sprječavanje službene osobe u vršenju službene radnje – po dva djela.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 17 lica, od kojih je 11 povratnika ili 64,7%, a devet je lišeno slobode.


Grafički prikaz broja registrovanih krivičnih djela iz člana 362 KZFBiH (nasilničko ponašanje) po policijskim upravama MUP-a KS



1.3. KRIVIČNA DJELA POČINJENA OD STRANE MALOLJETNIH LICA

U toku mjeseca Aprila 2016. godine **prijavljeno je šest maloljetnih lica** zbog postojanja osnova sumnje da su **izvršili četiri krivična djela**. U poređenju sa istim mjesecom 2015. godine, broj krivičnih djela za čije izvršenje su prijavljena maloljetna lica smanjen je za šest ili 60%, a broj prijavljenih maloljetnih učinilaca krivičnih djela smanjen je za dva ili 25%.

Grafički prikaz broja krivičnih djela izvršenih od strane maloljetnih izvršilaca u toku mjeseca Aprila 2016./2015. godine, po policijskim upravama



Među maloljetnim učiniocima krivičnih djela, tri su u dobi od 14 do 16 godina i tri u dobi od 16 do 18 godina. Među maloljetnim izvršiocima krivičnih djela, dva su povratnika (ili 33,3%) u izvršenju krivičnih djela.

Maloljetnici su prijavljeni za izvršenje jednog krivičnog djela pokušaj ubistva, jedno djelo teške krađe i dva djela iznude.

Pregled registrovanih krivičnih djela izvršenih od strane maloljetnih lica

u toku mjeseca Aprila 2016/2015. godine

<i>Naziv krivičnog djela</i>	April 2016.	April 2015.	+ - %
<i>Pokušaj ubistva</i>	1		
<i>Teška tjelesna povreda</i>		1	-100,0
<i>Silovanje</i>		1	-100,0
<i>Iskorišćavanje djeteta ili maloljetnika radi pornografije</i>		1	-100,0
<i>Posjedovanje i omogućavanje uživanja opojnih droga</i>		1	-100,0
<i>Krađa</i>		1	-100,0
<i>Teška krađa</i>	1		
<i>Teška k. izvršena na naročito opasan ili nar. drzak način</i>		1	-100,0
<i>Razbojništvo</i>		3	-100,0
<i>Iznuda</i>	2		
<i>Nasilničko ponašanje</i>		1	-100,0
<i>Ukupno</i>	4	10	-60,0

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca Aprila 2016. godine nije bilo registrovanih slučajeva aktiviranja minsko-eksplozivnih sredstava (u mjesecu Aprilu 2015. godine dva).

U proteklom mjesecu nije bilo anonimnih dojava o postavljenoj eksplozivnoj napravi (kao ni u mjesecu Aprilu 2015. godine).

1.4.2. POŽARI

Tokom mjeseca aprila 2016. godine, na području Kantona Sarajevo registrovano je 16 požara (19 manje) koji su za posljedicu imali materijalnu štetu.

Požari su registrovani na području općina: Stari Grad, Novi Grad, Ilidža i Ilijaš – po tri, Novo Sarajevo - dva, Centar i Vogošća - po jedan požar.

Prema statističkim pokazateljima, četiri požara su izazvana namjerno, jedan zbog tehničkih nedostataka, dok uzroci 11 požara spadaju u kategoriju ostalih.

Zbog izazivanja požara, nadležnom tužilaštvu su podnesena četiri službena izvještaja iz člana 323 KZ FBiH (izazivanje opće opadnosti).

1.4.3. SAMOUBISTVA

U mjesecu aprilu 2016. godine na području Kantona Sarajevo registrovana su dva samoubistva (jedno manje), izvršenih vješanjem i upotrebom vatrenog oružja.

Oba samoubistva izvršena su na području općine Ilidža. Izvršiocima su dva muškarca starosti 30 i 69 godina.

1.4.4. OSTALE AKTIVNOSTI

Tokom izvještajnog mjeseca, pripadnici policije su u sklopu operativnih aktivnosti izvršili pregled 49 lica, sedam stanova, četiri ugostiteljska objekta, izvršili utvrđivanje identiteta za 38 lica i lišili slobode četiri lica za kojima je bila raspisana potjernica. Takođe, pružene su 64 asistencije i to na zahtjev državnih organa 59, a po zahtjevu organa i organizacija javnih ovlašćenja – pet asistencija.

U cilju dokumentovanja krivičnih djela i identifikacije izvršilaca, izvršeno je 296 uviđaja, pronađeno i obrađeno 817 tragova, u 279 slučajeva fotografisano je lice mjesta, 23 puta je skicirano, izvršeno je 121-no vještačenje i daktiloskopirano 19 lica.


U okviru potražne djelatnosti raspisano je 29 potjernica po naredbama sudova Kantona Sarajevo, a 38 je obustavljeno (iz izvještajnog i ranijeg perioda). Takođe, zaprimljeno je sedam prijava o nestalim licima, a pet je obustavljeno.

U okviru depešnog saobraćaja predato je 2.400 depeša, primljeno 4.512, zatim tranzitirano 639, dok je za područje RS-a i Granične policije faksom predato 70 depeša, što ukupno iznosi 7.621 komad obrađenih i razmjjenjenih depeša.

Za potrebe tužilaštva i drugih nadležnih organa izvršeno je 3.597 provjera iz službenih evidencija, na zahtjev građana izdata 492 uvjerenja o njihovoj osuđivanosti ili neosuđivanosti, sačinjeno 17 rješenja o brisanju osuda iz evidencija u nadležnosti Ministarstva, otvoren 81 novi dosje i evidentirana 344 lica oštećeno činjenjem krivičnih djela. U izvještajnom mjesecu kontinuirano su pripremane informacije, bilteni, pregledi i analize za interno i eksterno informisanje.

2. JAVNI RED I MIR

U toku mjeseca Aprila 2015. godine, protiv učinilaca prekršaja kojima se narušava javni red i mir preduzeto je ukupno 594 prekršajnih sankcija (prekršajnih naloga -490, zahtjeva za pokretanje prekršajnog postupka-104), što u odnosu na mjesec April 2015. godine predstavlja povećanje za 202 ili 51,5%. Prekršajne sankcije preduzete su protiv 619 lica, što u odnosu na isti mjesec 2014. godine predstavlja povećanje za 195 ili 46%.



Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira (555 ili 93,4%), dok je 39 ili 6,6% prekršajnih sankcija preduzeto u skladu sa Odlukom općinskih vijeća o javnom redu i miru. Najbrojniji su prekršaji učinjeni prosjačenjem, koji su u ukupnom broju zastupljeni sa 61,4%. Inače, ovi prekršaji su najizraženiji na području općina Stari Grad i Centar, tako da se i najveći broj prekršajnih sankcija koje su preduzeli policijski službenici Prve policijske uprave odnosi upravo na prekršaje učinjene prosjačenjem (291 ili 81,1% od ukupnog broja sankcija preduzetih u ovoj upravi).


Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2014. godine), dok je lakše povrijeđeno 25 lica (devet ili 56,3% više). Prema starosnoj

strukturi lica prema kojima su preduzete prekršajne sankcije, najbrojniji su oni preko 36 godina (338), zatim između 26 i 35 godina (161) i između 19 i 25 godina (114), dok je maloljetnih izvršilaca bilo šest. Među učiniocima prekršaja iz oblasti javnog reda i mira, 98 je povratnika u izvršenju ovih prekršaja.

Posmatrano po policijskim upravama, najveći broj prekršajnih naloga i zahtjeva za pokretanje prekršajnog postupka podnijeli su policijski službenici Prve policijske uprave (359 ili 60,4% od ukupnog broja), a zatim Druge (147 ili 24,7%), Treće (36 ili 6,1%), Četvrtе (31 ili 5,2%), te Pete (18 ili 3%). Službenici Jedinice za saobraćaj MUP-a Kantona Sarajevo uručili su tri prekršajna naloga (ili 0,5 %).

Grafički prikaz broja prekršajnih sankcija u toku mjeseca Aprila 2016./2015. godine,

po policijskim stanicama



Povećanje broja prekršajnih naloga i zahtjeva, u odnosu na mjesec April 2015. godine, imale su policijske stanice:

- Stari Grad (za 118 ili 115,7%);
- Novo Sarajevo (za 83 ili 129,7%);
- Novi Grad (za 19 ili 111,8%);
- Ilidža (za jedan ili 5,9%) i

- Hadžići (za jedan ili 10%)

Smanjenje broja prekršajnih naloga i zahtjeva imale su policijske stanice:

- Centar (za 15 ili 9,7%);
- Vogošća (za jedan ili 5,9%) i
- Ilijaš (za šest ili 75%).

Policijsko odjeljenje Trnovo podnijelo je dva zahtjeva za pokretanje prekršajnog postupka (u istom mjesecu 2014.nije bilo), a Jedinica za saobraćaj MUP-a KS imala je isti broj uručenih prekršajnih naloga kao i prošle godine.

Tabelarni pregled strukture prekršaja iz oblasti javnog reda i mira

za mjesec April 2016./2015.godina

Prekršaji iz zakona o JRiM:	April 2016.	April 2015.	+ - %
-Tuče		48	
-Naročito drsko ponašanje		42	
-Odbijanje naređenja i omalovaž. pol. služb.		34	
-Neovlaštena upotreba oružja		1	
-Paljenje petardi		1	
-Prosjačenje		365	
-Svađa, vika, nepristojno ponašanje		9	
-Ostali prekršaji iz Zakona o JRiM		55	
Prekršaji prema Odluci općinskog vijeća o JRiM		39	
ukupno		594	

Prema strukturi prekršaja, **najbrojniji su prekršaji učinjeni prosjačenjem** (365 ili 61,4%), zatim tučama (48 ili 8,1%), naročito drskim ponašanjem (42 ili 7,1%), te odbijanjem naređenja i omalovažavanjem policijskih službenika (34 ili 5,7%). Registrovano je i devet prekršaja učinjenih svadom, vikom i nepristojnim ponašanjem, po jedan zbog neovlaštene upotrebe oružja i paljenja petardi i 55 zbog svih ostalih prekršaja. Takođe, evidentirano je i 39 prekršaja koji su utvrđeni Odlukom općinskih vijeća o JRiM.

U odnosu na isti mjesec 2014. godine, u proteklom mjesecu smanjen je broj prekršajnih sankcija

zbog prekršaja učinjenih odbijanjem naređenja i omalovažavanjem policijskih službenika, te paljenjem petardi, dok je u svim ostalim slučajevima povećan broj ovih sankcija.

Prema mjestu izvršenja, najveći broj prekršaja iz oblasti javnog reda i mira izvršen je na ulici i na drugim otvorenim prostorima (535 ili 90,1%), a znatno manje u ugostiteljskim objektima (17 ili 2,9%), na sportskim terenima (četiri), u školama (tri), te na ostalim mjestima (35). U vozilima javnog saobraćaja i u trgovinama nije bilo registrovanih slučajeva narušavanja javnog reda i mira.

Tabelarni pregled broja podnesenih naloga i zahtjeva
u mjesecu Aprilu 2016/2015. godine, prema mjestu izvršenja

MJESTO IZVRŠENJA	April 2016.	April 2015.	+ - %
Ugostiteljski objekti	25	17	+47,1
Ulice i drugi otvoreni prostori	496	535	-7,3
Vozila javnog saobraćaja	2		
Sportski stadioni i dvorane	9	4	+125,0
Škole i školska dvorišta	1	3	-66,7
Trgovine i zanatske radnje	1		
Ostala mjesta	14	35	-60,0
UKUPNO	548	594	-7,7

U odnosu na isti mjesec 2015. godine, u proteklom mjesecu povećan je broj prekršaja na sportskim terenima i u ugostiteljskim objektima, dok je na svim ostalim mjestima taj broj smanjen

U mjesecu Aprilu ove godine nije bilo evidentiranih krivičnih djela u školskim objektima (u Aprilu 2015. godine tri).

Policijski službenici su u toku mjeseca Aprila 2016. godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su sva javna okupljanja protekla bez narušavanja javnog reda i mira. Policijski službenici bili su angažovani na osiguranju 301 javnog skupa (75 ili 33,2% više u odnosu na isti mjesec 2015. godine), a u 41 slučaju (šest ili 17,1% više) izvršeno je KDZ osiguranje ovih skupova.

3. SAOBRAĆAJ

Tokom mjeseca Aprila 2016. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broja povrijeđenih lica, dok je smanjen broj poginulih lica.

Evidentirano je 1.005 saobraćajnih nezgoda (24 ili 2,4 % više), 916 sa materijalnom štetom (20 ili 2,2 % više) i 89 sa nastradalim licima (četiri ili 4,7 % više).

U naselju su registrovane 943 saobraćajne nezgode (jedna sa poginulim, 80 sa povrijeđenim licima i 862 sa materijalnom štetom), van naselja 62 nezgode (osam sa povrijeđenim licima i 54 sa materijalnom štetom).

Evidentirano je 288 saobraćajnih nezgoda na raskrsnicama u naselju, 14 na raskrsnicama van naselja, tri na pješačkom prelazu, jedna na nadvožnjaku i 699 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
za mjesec April 2016./2015. godina

	April 2016.	April 2015.	+ ,-, %
UKUPNO SAOBRAĆAJNIH NEZGODA	1.005	981	+ 24 ili 2,4 %
Saobraćajne nezgode sa nastradalim licima	89	85	+ 4 ili 4,7 %
Saobraćajne nezgode sa materijalnom štetom	916	896	+ 20 ili 2,2 %
POGINULO LICA	1	2	- 1 ili 50 %
- vozači	1	2	- 1 ili 50 %
-putnici	0	0	-----
- pješaci	0	0	-----
POVRIJEĐENO LICA	129	115	+ 14 ili 12,2 %
- vozači	63	52	+ 11 ili 21,1 %
- putnici	44	39	+ 5 ili 12,8 %
- pješaci	22	24	- 2 ili 8,3 %

Najveći broj saobraćajnih nezgoda evidentiran je na području općina: Centar (225) i Novi Grad (204). Najveće povećanje broja saobraćajnih nezgoda

registrovano je na području općine Centar (za 22 ili 10,8 %), a smanjenje na području općine Hadžići (za 14 ili 53,8 %).

Tabelarni pregled broja saobraćajnih nezgoda po općinama
za mjesec April 2016./2015. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2016	96	225	169	204	189	12	6	63	41	1.005
2015	95	203	170	218	198	26	2	49	20	981
+,-%	+ 1 ili 1 %	+ 22 ili 10,8 %	- 1 ili 0,6 %	- 14 ili 6,4 %	- 9 ili 4,5 %	- 14 ili 53,8 %	+ 4 ili 200 %	+ 14 ili 28,6 %	+ 21 ili 105 %	+ 24 ili 2,4 %

3.1. POSLJEDICE SAOBRAĆAJNIH NEZGODA

Tokom mjeseca aprila 2016. godine, u saobraćajnim nezgodama na području Kantona Sarajevo 130 lica je nastradalo (13 ili 11,1 % više). Jedno lice je poginulo³ (jedno ili 50 % manje), dok je 129 lica povrijeđeno (14 ili 12,2 % više), 14 teže i 115 lakše.

Među povrijeđenim licima evidentirana su:

- 63 vozača (11 više)
- 44 putnika (pet više)
- 22 pješaka (dva manje)

Tabelarni pregled nastradalih lica u saobraćajnim nezgodama po kategoriji učesnika

³ Dana 07. 04. 2016. godine, na raskrsnici Ulica Put mladih muslima –Derviša Numića (općina Novo Sarajevo) poginuo je M. S. (36) - vozač bicikla.

za mjesec April 2016./2015. godina

	POGINULO			TEŠKO POVRIJEĐENO			LAKŠE POVRIJEĐENO		
	April 2016.	April 2015.	+, -, %	April 2016.	April 2015.	+, -, %	April 2016.	April 2015.	+, -, %
VOZAČI	1	2	- 1 ili 50 %	5	7	- 2 ili 28,6 %	58	45	+ 13 ili 28,9 %
PUTNICI	0	0	----- -	1	5	- 4 ili 80 %	43	34	+ 9 ili 26,5 %
PJEŠACI	0	0	----- ---	8	11	- 3 ili 27,3 %	14	13	+ 1 ili 7,7 %
UKUPNO	1	2	- 1 ili 50 %	14	23	- 9 ili 39,1 %	115	92	+ 23 ili 25 %

Kada je u pitanju stepen povreda, pet vozača je teže, a 58 lakše povrijeđeno, jedan putnik je teže, a 43 lakše povrijeđena, dok je osam pješaka teže, a 14 lakše povrijeđeno.

Najveći broj povrijeđenih lica registrovan je na području općine Ilidža – 30.

Posljedice saobraćajnih nezgoda po policijskim upravama/stanicama za mjesec April 2016./2015. godina

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		April 2016.	April 2015.	uporedba	April 2016.	April 2015.	uporedba	April 2016.	April 2015.	uporedba
I PU	Stari grad	0	0	-----	0	1	- 1	9	7	+ 2 ili 28,6 %
	Centar	0	0	----- --	4	3	+ 1 ili 33,3 %	19	11	+ 8 ili 72,7 %
II PU	Novo Sarajevo	1	0	+ 1	1	1	isto	17	10	+ 7 ili 70 %
III PU	Novi Grad	0	0	-----	2	6	- 4 ili 66,7 %	19	25	- 6 ili 24 %
IV PU	Ilidža	0	2	- 2	2	7	- 5 ili 71,4 %	28	24	+ 4 ili 16,7 %
	Hadžići	0	0	-----	1	1	isto	1	5	- 4 ili 80 %
	Trnovo	0	0	-----	0	0	-----	4	0	+ 4
V PU	Vogošća	0	0	-----	2	3	- 1 ili 33,3 %	9	6	+ 3 ili 50 %

	<i>Ilijaš</i>	0	0	-----	2	1	+ 1 ili 100 %	9	4	+ 5 ili 125 %
<i>UKUPNO</i>		1	2	- 1 ili 50 %	14	23	- 9 ili 39,1 %	115	92	+ 23 ili 25 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 23 lica, od 21 do 24 godine – 20 lica, od 25 do 30 godina -19 lica, od 41 do 50 godina – 18 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju –742 nezgode u kojima je 75 lica povrijeđeno, zatim na magistralnim putevima –131 nezgoda u kojoj je 21 lice povrijeđeno, na lokalnim putevima – 69 nezgoda (15 lica povrijeđeno), na regionalnim putevima – 33 nezgode (12 lica povrijeđeno) i na putevima koji se ubrajaju u kategoriju ostalih – 30 saobraćajnih nezgoda sa sedam nastradalih lica (jedno lice poginulo, šest lica povrijeđeno).

3.2. UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 857 (jedno lice poginulo, 88 lica povrijeđeno), neprilagođena brzina - 138 (39 lica povrijeđeno), uticaj alkohola – devet (jedno lice povrijeđeno) i uticaj opojnih droga – jedna saobraćajna nezgoda (jedno lice povrijeđeno).

Evidentirane su tri saobraćajne nezgode (jedna više), u kojima su učestvovali pripadnici MUP-a Kantona Sarajevo, jedna saobraćajna nezgoda u kojoj je učestvovao pripadnik Oružanih snaga BiH i jedna nezgoda u kojoj je učestvovao pripadnik SIPE (bez nastradalih lica).

Evidentirane su 42 saobraćajne nezgode (sedam više) u kojima su učestvovali inostrani vozači i šest nezgoda (dvije više) u kojima su učestvovala vozila međunarodnih organizacija (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec April 2016. /2015. godina

	April 2016/2015	UKUPNO	I PU	II PU	III PU	IV PU	V PU	Jedinica za saob.
--	--------------------	--------	------	-------	--------	-------	------	----------------------

broj kontrolisanih vozila	2016	22.604	5.268	3.346	2.637	4.439	1.235	5.679
	2015	22.449	4.129	4.953	3.525	3.746	932	5.164
broj uručenih prekršajnih naloga	2016	18.061	4.549	3.215	1.103	1.596	564	7.034
	2015	17.685	4.007	4.637	746	948	381	6.966
broj zahtjeva za p.p.p.	2016	50	5	0	17	23	3	2
	2015	49	3	0	11	31	0	4
broj isključenih vozila iz saobraćaja zbog tehničke neispravnosti	2016	79	1	3	0	0	0	75
	2015	70	0	0	0	0	0	70
broj vozača zatečenih da upravljaju vozilom pod dejstvom alkohola	2016	454	105	52	23	45	36	193
	2015	375	124	58	17	16	21	139
broj vozača zatečenih da upravljaju vozilom bez korištenja sig. pojasa	2016	599	228	113	113	96	49	0
	2015	719	48	549	47	54	21	0
broj vozača zatečenih da upravljaju vozilom bez položenog vozačkog ispita	2016	359	76	45	22	47	25	144
	2015	207	43	37	9	27	9	82
broj vozača zatečenih da upravljaju vozilom pod izrečenom zaštitnom mj.	2016	0	0	0	0	0	0	0
	2015	1	0	0	0	1	0	0
broj vozila otkrivenih da učestvuju u saobraćaju bez važeće registracije	2016	307	38	33	13	79	41	103
	2015	207	43	37	9	27	9	82

Tokom mjeseca Aprila 2016. godine, kontrolisana su ukupno 22.604 vozila (155 više), 4.583 lica u vozilima (268 više), izvršen je pregled 521 vozila (343 više) i 421 lica u tim vozilima (235 više).

Zbog tehničke neispravnosti iz saobraćaja je isključeno 79 vozila (devet više), 454 vozača su zatečena da upravljaju vozilom pod dejstvom alkohola (79 više), 599 bez korištenja sigurnosnog pojasa (120 manje), 359 bez položenog vozačkog ispita (152 više), a 307 vozača je učestvovalo u saobraćaju bez važeće registracije (100 više).

Zbog kršenja propisa iz oblasti sigurnosti saobraćaja uručen je 18.061 prekršajni nalog vozačima (376 više u odnosu na april prošle godine) i podneseno 50 zahtjeva za pokretanje prekršajnog postupka (jedan više).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca Aprila 2016. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 7.704 prekršajna naloga (200 manje), upozoreno je 428 vozača (10 manje), a specijalnim vozilom "pauk" premještena su 173 vozila (53 manje).

3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Centar –2.033, zatim: Novog Sarajeva – 1.942, Starog Grada-1.426, Ilidže – 629, Novog Grada – 551, Vogošće – 178, Hadžića – 157 i Ilijaša – 41.

Službenici Jedinice za saobraćaj uručili su 747 prekršajna naloga vozačima.

Takođe, pješacima koji su kršili propise uručena su 304 prekršajna naloga (208 više), a upozoreno je 130 pješaka (38 više).

4. ZAKONITOST U RADU

Tokom mjeseca Aprila 2016. godine, registrovana su tri napada (jedan više) na policijske službenike PS Novo Sarajevo u kojima je učestvovalo pet punoljetnih lica.

Policijski službenici su u devet slučajeva opravdano upotrijebili silu (šest više):

- fizičku snagu i sredstva za vezivanje – devet puta
 - Druga PU (PS Novo Sarajevo) – pet puta
 - Prva PU - dva puta (PS Stari Grad; PS Centar;)
 - Jedinica za specijalističku podršku – jednom
 - Peta PU (PS Ilijaš) - jednom

Tokom mjeseca Aprila 2016. godine razmatrane su 23 predstavke na rad službenika policije među

kojima je za šest predstavki (jedna više) data saglasnost za sprovođenje unutrašnjih istraga, za 16 predstavki je donesen zaključak da su neosnovane, dok je u jednom slučaju stranka odustala od žalbe.

Postupano je po 15 predstavki iz ranijeg perioda, tako da je razmatrana ukupno 21 predstavka (osam manje).

Okončano je osam unutrašnjih istraga, među kojima su četiri neosnovane, u dva slučaja stranka je odustala od žalbe, u jednom slučaju predavka je osnovana, dok u jednom slučaju nije bilo dovoljno dokaza.

4.1. PRAVNA REGULATIVA

U okviru Pravne regulative vršeni su sljedeći poslovi:

- Organizacionim jedinicama Uprave policije je dostavljena Radna verzija Instrukcije o načinu pružanja pomoći drugim državnim organima i pravnim licima, u vezi davanja eventualnih primjedbi, prijedloga i sugestija.
- Na osnovu odluke Ustavnog suda BiH Sačinjen je Prijedlog Uputstva o izmjeni uputstva o postupanju sa osobama lišenim slobode, koji je ispred policijskog komesara dostavljen Ministru MUP-a Kantona Sarajevo.
- Na osnovu akta Ministarstva pravde i uprave Kantona Sarajevo, organizacionim jedinicama Uprave policije je ispred policijskog komesara dostavljen tekst Nacrta Zakona o državnoj službi u Kantonu Sarajevo, u vezi davanja eventualnih primjedbi, prijedloga i sugestija.

5. AKTIVNOSTI NA PROVOĐENJU ZAKONA O NABAVLJANJU,

DRŽANJU I NOŠENJU ORUŽJA I MUNICIJE

U mjesecu Aprilu 2016.godine evidentirano je sedam djela regulisanih ZONDINOIM-om (pet manje) počinjenih od strane sedam lica od kojih je pet povratnika ili 71,4%, a četiri su lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzete su: dvije puške, četiri pištolja, dvije "eksplozivne naprave i sredstva", 18 „noževa, mačeva, sablji i sl.“, 146 komada municije raznog kalibra, itd.

U izvještajnom mjesecu fizičkim licima izdato je 114 odobrenja za nabavku vatrenog oružja (osam manje) i 113 oružnih listova (41 manje).